

БАҒДАР

М.Әуезов атындағы Оңтүстік Қазақстан университеті жоғары техникалық және гуманитарлық білім берудің екі үлкен мектебінен құралды. Оқу ордасы егеменді еліміздің экономикасына қажетті кадрларды даярлау жолында еселі еңбек етіп келеді. Соның ішінде «Философия» кафедрасы білім саласындағы озық тәжірибелер негізінде адами капитал сапасын арттыру жолында, өңірдің және елдің экономикасы, әлеуметтік басым салаларын ғылыммен қамтамасыз етуде үлкен жұмыстар атқарып жатыр.

БАСТЫ ТАЛАП – БІЛІКТІ МАМАН ДАЯРЛАУ

«Философия» кафедрасының тарихы 1943 жылдан бастауын алады. Сол жылы жаңадан құрылған Чимкент технологиялық институтында қоғамдық пәндер кафедрасы ашылған. 1960 жылы қоғамдық пәндер кафедрасынан «Философия және ғылыми коммунизм» кафедрасы бөлініп шығды, ол 1965 жылға дейін қызмет етеді. 1965 жылы «Маркстік-лениндік философия» кафедрасы дербес кафедраға айналады, ал оның бірінші меңгерушісі философиялық ғылымдарының кандидаты доцент Н.Қалшабеков болды.

1980 жылға дейін кафедраны философия ғылымдарының кандидаты, доцент Ж.И. Абласанов басқарды. Оның басқарған жылдарында В.Н. Шутова, А.Т. Косеубаев, С.К. Даулетияров кандидаттық диссертацияны қорғауларына байланысты кафедра профессорлық-оқы-

тушы құрамының сапасы арта түсті.

2002 жылдан бастап мемлекеттік лицензия негізінде кафедрада «6Mo20100 – Философия мамандығы» бойынша магистранттар оқытылады. Осы уақытқа дейін жиырмаға жуық магистр шықты.

2011 жылдың мамыр айында доцент Т.Сулейменов Астана қаласында өткен «Дарынды ұстаз» республикалық байқауда «Гуманитарлық пәндер» номинациясы бойынша 1 орынға ие болды.

2013-2017 жыл аралығында профессор, философия ғылымдарының докторы Н.Мұсаева «2016 жылдың үздік профессоры» атағын, ал аға оқытушы, философия ғылымдарының кандидаты А.Шалдарбекова «2016 жылдың үздік кураторы» атағын алып кафедра мәртебесін көтерді. 2017-2018 оқу жылының басында «Филосо-

фия» және «Саясаттану» кафедралары біріктіріліп, ол «Философия және мәдениеттану» кафедрасы деп аталды. Оған тарих ғылымдарының кандидаты, доцент М.Жұмабеков жетекшілік етеді. Оның жетекшілігімен кафедра алдында тұрған тапсырмаларды орындауға барлық күшін салды. Кафедрада 2018 жылдан бастап, «6Bo2210-Философия» және «6Bo3120 – Саясаттану бакалавр» сонымен қатар «7Mo3120 – Саясаттану магистратура» мамандары даярланып келеді. 2020 жылдан бастап кафедраның атауы «Философия және саясаттану» болып өзгертілді.

Бүгінгі күні кафедра студенттері өңірлік, халықаралық олимпиадалар, ғылыми конференцияларға қатысып, үлкен жетістіктерге жетті. Бұл үрдіс болашақта да өз жалғасын табады деп сенеміз.

**Н.БАЛТАБАЕВ,
«Философия»
кафедрасының
аға оқытушысы,
философия
ғылымдарының
магистрі**